



**INFORMATIVNI BILTEN
OPĆINE ILIDŽA**

**Ilidža • Februar 2020
• Broj 189**





Svečanom sjednicom Općinskog vijeća Ilidža obilježen Dan nezavisnosti



Povodom 1. marta - Dana nezavisnosti Bosne i Hercegovine, 28. februara 2020. godine u Multifunkcionalnoj sali održana je svečana sjednica Općinskog vijeća Ilidža. Obilježavanje je počelo polaganjem cvijeća ispred spomen-obilježja u Velikom parku "Spomen kosturnici" i centralnom spomen obilježju, gdje je odana počast šehidima, poginulim borcima i civilnim žrtvama rata.

Prvog marta 1992. godine građani Bosne i Hercegovine su se opredijelili za nezavisnu Bosnu i Hercegovinu. Na referendumsko pitanje da li ste za to da Bosna i Hercegovina bude nezavisna država svih njenih građana i ravnopravnih naroda, 64 posto građana je odgovorilo potvrdno. Bio je to demokratski i legalni čin, kojim je nakon vijekova tuđih uprava Bosna i Hercegovina dostojanstveno obnovila svoju nezavisnost.

Sjednicu je otvorio predsjedavajući Općinskog vijeća Ilidža Muhamed Omerović i tom prilikom naglasio da je BiH cjelovita, i da će takva ostati, da najbolji sinovi koji su dali živote za državu ne smiju biti zaboravljeni.

"Dužni smo se sjetiti i iskazati poštovanje za pokazanu mudrost i odlučnost svih građana, glasača koji su rekli da žele nezavisnost i ravnopravnost. Dužni smo nastaviti tamo gdje su stali. Oni koji su život dali za našu domovinu sjetimo ih se uvijek i oni su zaslužni što smo mi ovdje danas" dodao je Omerović.

Načelnik Općine Ilidža prof. dr. Senaid Memić čestitao je svim građanima Dan nezavisnosti i podsjetio na značaj ref-





erenduma o nezavisnosti 1992. godine kada su se Bosanci i Hercegovci izjasnili da žele državu ravnopravnih naroda.

“Ovaj dan je vezan za organizovanje i provedbu historijskog referenduma za nezavisnost i državno-pravni subjektivitet BiH na kojem su građani odlučili da je njeno mjesto u zajednici ravnopravnih država” podsjetio je Memić.

Prema njegovim riječima svjedoci smo da se i dan danas nastoji osporiti nezavisnost države Bosne i Hercegovine.

“Pored neprijatelja koji žele osporiti nezavisnost i cjelovitost i mi smo ti koji se moramo promijeniti. Moramo



uvažavati svoje autoritete, poštovati struku, ulagati u obrazovanje, olakšati privrednicima da investiraju, graditi, pomagati jedni drugima jer se u tome krije prosperitet i očuvanje naše države” dodao je načelnik Memić.

On je ponovio čuvenu rečenicu predsjednika Amerike, Kenedija “Ne pitaj šta država može učiniti za tebe, nego šta ti možeš učiniti za državu”, te pozvao na jedinstvo u odbrani i očuvanju nezavisnosti države BiH.

U programu su učestvovali učenici JU Osnovna muzička škola Ilidža i Deveta osnovna škola.





ODRŽANA 35. SJEDNICA OPĆINSKOG VIJEĆA

Usvojen Plan i program održavanja zaštite, rekonstrukcije i izgradnje lokalnih i nerazvrstanih cesta

Općinsko vijeće Ilidža na 35. sjednici 27. februara 2020. usvojilo je Prijedlog zaključka o davanju saglasnosti na Plan i program održavanja zaštite, rekonstrukcije i izgradnje lokalnih i nerazvrstanih cesta za 2020. godinu. Planiranje održavanja, zaštite, rekonstrukcije i izgradnje lokalnih i nerazvrstanih cesta bazirano je na realnim potrebama normalnog funkcionisanja saobraćaja, na konsultacijama i prijedlozima organa MZ i finansijskim mogućnostima Općine iskazanim kroz budžet za 2020. godinu.

Prema tom planu u 2020. kad su u pitanju kapitalni projekti planirana je rekonstrukcija slijedećih saobraćajnica: nastavak radova na izgradnji saobraćajnice od ulice Bosankih gazija prema ulici Spomenik, (MZ Otes), izgradnja kružne raskrsnice, na raskrsnici ulica Hrasnička cesta-Put Famosa-Halid bega Hrasnice-Igmanskih bataljona, nastavak radova na izgradnji saobraćajnice Nova ulica Osik, te izgradnja saobraćajnice od brze ceste do ulice Vlakovo kroz industrijski kompleks Bosanka. U 2020. godini radit će se i mostovi u MZ Donji Kotorac - završetak radova na rekonstrukciji mosta u ulica 13. juni, rekonstrukcija mosta u ulici Butmirska cesta i izgradnja mosta preko rijeke Dobrinje iza objekta Bingo.

Izveštaj o radu Javne ustanove Kulturno-sportski i rekreacioni centar Ilidža

Općinsko vijeće Ilidža usvojilo je Izveštaj o radu Javne ustanove Kulturno-sportski i rekreacioni centar Ilidža za period 01. januara do 30. juna 2019. i finansijskom poslovanju Kulturno sportski i rekreacioni centar Ilidža je javna ustanova od posebnog društvenog interesa, čiji je osnivač općina Ilidža. U izveštaju se, između ostalog, navodi da u univerzalnoj sportskoj dvorani i na otvorenom terenu za male sportove, nastavu od 8,00 do 15,45 sati izvode učenici Četvrtne gimnazije Ilidža i Srednje tehničke škole grafičkih tehnologija, dizajna i multimedije Ilidža. U univerzalnoj dvorani „Sabit Hadžić“ odigrano je 39 utakmica. Univerzalnu dvoranu, salu za borilačke vještine i otvoreni teren JU „KSIRC“ Ilidža, za trenažni proces, koristile su ekipe, gdje je održan i 918 trening. Univerzalnu dvoranu „Sabit Hadžić“ i otvoreni teren JU „KSIRC“ Ilidža, u ranim poslijepodnevima i kasnim večernjim satima, koristili su građani te firme za rekreaciju i to 90 termina.

Izveštaj o radu Jedinственог опćинског органа управе, стручних и посебних служби

Izveštaj o radu Jedinственог опćинског органа управе, стручних и посебних служби za 2019. godinu bila je jedna od tačaka dnevnog reda. U izveštaju o radu istaknuto je da su aktivnosti опćинских органа bile usmjerene na realizaciju utvrđenih obaveza, zaključaka Vijeća i obavljanju drugih poslova koji su zakonom ili na drugi način stavljeni u njihovu nadležnost. Poslovi kantonalne управе koji su zakonom preneseni na Općinskog načelnika i poslovi lokalne samouправе, iz samouправnog djelokruga опćине, obavljaju se u službama za управу. Stručni i tehnički poslovi za potrebe Općinskog vijeća i načelnika obavljaju se u stručnim i posebnim službama. Organi управе su u svim oblastima kontinuirano radili na sprovođenju utvrđene politike i neposrednom izvršavanju zakona, podzakonskih akata, drugih propisa i опćих akata, rješavali u управnim stvarima, vodili propisane evidencije i izdavali isprave, pružali pravnu pomoć u ostvarivanju i zaštiti prava građana, te obavljali druge stručne i управne radnje. Posebna pažnja posvećena je razvojnim projektima, stvaranju uslova za otvaranje novih i dovršenje započelih projekata, kroz stalno praćenje stanja u pojedinim oblastima. Aktivnosti službi odvijale su se u skladu sa uspostavljenim novim ISO standardom 9001:2015, i 14001:2015 u okviru čega su provedeni interni i externi auditi za preispitivanje provođenja ISO standarda. Također su poduzimane mjere za implementaciju Akcionog plana za borbu protiv korupcije u Jedinственом опćинском органу управе Općine Ilidža (2018-2020. godina), koji je donesen u januaru 2018. godine.





Izvještaj o radu Pravobranilaštva Općine Ilidža

Pravobranilaštvo Općine Ilidža, Općinskom vijeću Općine Ilidža i Općinskom načelniku, podnijelo je Izvještaj o radu, za period 01.01. do 31.12.2019. godine. U izvještaju je između ostalog navedeno da potraživanja od Općine Ilidža po podnesenim tužbama, iznose 3.973.447,60 KM, potraživanje Općine Ilidža po tužbama i rješenjima o izvršenju, iznose 5.702.702,60 KM, plaćeno na teret Općine po odlukama Općinskog suda Sarajevo, 27.521,21 KM, a naplaćena potraživanja u budžetskoj 2019. godini iznose 3.991.420,43 KM. U ovom izvještajnom periodu bilo je ukupno u radu 561 parničnih predmeta, od kojih su 476 predmeta kao nezavršena prenesena iz prethodnih godina. U 2019. godini je evidentirano 85 novih predmeta. Nesrazmjer između prenesenih predmeta iz ranijih godina i novoza-primljenih predmeta jeste posljedica dugotrajnog vođenja postupaka pred sudovima. U 2019. godini nastavljene su ranije započete parnice po osnovu napada pasa nepoznatog vlasnika, kao i podnošenje novih tužbi fizičkih lica za naknadu štete zbog povreda nanesenih napadom ovih pasa. Po ovom osnovu je u 2019. godini ukupno u radu bilo 54 predmeta, od čega je 43 predmeta preneseno iz ranijeg perioda. U 2019. godini uočena je pojava povećanja podnesenih tužbi za ujeđe pasa i to na lokaciji MZ Hrasnica. Zbog ozbiljnosti problema Pravobranilaštvo predlaže da Općinsko vijeće donese zaključak kojim će se tražiti od Veterinarske stanice Kantona Sarajevo da po zahtjevu nadležne općinske službe redovno uklanjaju čopore pasa lualica sa lokaliteta Hrasnice kao i drugih lokacija gdje se pojave ovi psi, i iste preda JKP „Rad“ na daljnji postupak zbrinjavanja. Pravobranilaštvo je smatralo potrebnim upoznati Općinsko vijeće o ishodu pojedinih postupaka koji su ranijih godina prikazivani kroz Izvještaje, čiji su tužbeni zahtjevi nosili visoka novčana potraživanja prema Općini Ilidža. Tako, predmet Hasibović protiv Općine Ilidža, čija vrijednost spora je bila oko 1.500.000,00 KM glavnice i vodio se od 2008. godine kroz dva ponovna postupka i dvije uložene revizije okončan je pravosnažnom sudskom odlukom u korist tužene Općine Ilidža tj. tužbeni zahtjev tužitelja u cjelosti je odbijen. U toku je parnica pred drugostepenim sudom po tužbi TMP „Ahmetpahić“ protiv Općine Ilidža koja je pred prvostepenim sudom okončana u korist Općine Ilidža kao tužene, odbijen je tužbeni zahtjev sa vrijednosti spora oko 3.500.000,00 KM. Kao jedan od predmeta sa visokim iznosom potraživanja prema Općini Ilidža je parnica tužitelja Mijović Savke za naknadu materijalne štete po osnovu faktičke eksproprijacije u iznosu od 600.000,00 KM, a isti je nepravosnažno okončan presudom u korist Općine Ilidža, tj. odbijen tužbeni zahtjev.

Informacija o aktivnostima Pete policijske uprave

Vijećnici su raspravljali i o Informaciji o aktivnostima Pete policijske uprave za period januar- decembar 2019. godina. U vremenskom periodu od 01.01.2019. do 31.12.2019. godine, na području Pete policijske uprave evidentirana su ukupno 737 događaja sa obilježjem krivičnog djela, od čega je po NN izvršiocu evidentirano ukupno 479 događaja sa ovim obilježjem. Od evidentiranih događaja sa obilježjima krivičnog djela po NN izvršiocu rasvijetljena su 162 događaja, tako da je procent otkrivenosti 33,82 posto.

Vidljivo je da broj događaja sa obilježjima krivičnog djela u odnosu na isti vremenski period 2018. godine, povećan je za 55, što u procentima iznosi 07,46 posto.

Najveći broj izvršenih krivičnih djela je u oblasti imovinskih delikata, a odnosi se na teške krađe gdje je evidentirano 240 slučajeva, krađa 117 slučajeva, u kojima su najčešći objekti napada stanovi, kuće, vikend kuće, trgovinski objekti, motorna vozila, gdje je prijavljeno 41 krivično djela teških krađa putničkih motorih vozila, a pronađeno je 11 putničkih motonih vozila.

U cilju smanjenja i suzbijanja svih vrsta krivičnih djela planiraju se i sprovode posebne akcije u koordinaciji sa ostalim organizacionim jedinicama Uprave policije.

I dalje je značajno izražen problem, krivična djela razbojništava i razbojničkih krađa. U vremenskom periodu od januara-decembra 2019. godine na području u nadležnosti Pete policijske uprave evidentirano je 76 slučajeva tih krivičnih djela od čega je rasvijetljeno 27 krivičnih djela. Broj ovih krivičnih djela tokom 2019. godine u odnosu na prethodnu godinu za isti vremenski period je povećan za 20.

Emna Milišić i Amar Kečo napustili DF

Emna Milišić i Amar Kečo napustili su stranku Demokratska fronta i postali nezavisni vijećnici u Općinskom vijeću Ilidža: Oni su u skladu sa Poslovníkom o radu Općinskog vijeća Ilidža formirali novi klub "Nezavisni klub vijećnika 99."





Potpisan ugovor o održavanju Festivala narodne muzike „Ilidža 2020“

Općina Ilidža kao tradicionalni organizator Ilidžanskog festivala i ove godine je odlučila pripremu, organizaciju i realizaciju kulturno-muzičke manifestacije "Ilidža 2020" povjeriti televiziji Hayat. Načelnik prof.dr. Senaid Memić i direktor TV Hayat Elvir Švrakić su 27. februara 2020. godine u prostorijama Općine Ilidža potpisali ugovor o tradicionalnom održavanju Ilidžanskog festivala koji će se održati od 23-25. jula 2020. godine.

"Ako hoćemo da imamo kvalitet moramo imati i kontinuitet, a mi u Ilidžanskom festivalu imamo sve, tradiciju, navike i publiku. Nove pjesme uvijek pjevaju o onome kako se živi, i zato imamo i lijepe pjesme, a Ilidžanski festival će trajati i pjesme će se pjevati i nakon što se zaboravi na nas" izjavio je načelnik Memić.

"Već šestu godinu Općina Ilidža i Hayat televizija nastavljaju sa uspješnim radom Ilidžanskog festivala, cijenim to što načelnik prof.dr. Senaid Memić i Općinsko vijeće imaju hrabrosti da tradiciju festivala očuvaju, a Hayat televizija svake godine spremi neke novitete. I ove godine ćemo se



potruditi da ga tehnički organizujemo bolje nego prošle godine i da publika bude zadovoljna" rekao je Švrakić.



Donacija Domu zdravlja Ilidža

Kako bi se poboljšale usluge zdravstvene zaštite i kako je sezona gripa, načelnik Općine Ilidža prof. dr. Senaid Memić je prepoznao potrebe i stanovništa i JU Dom zdravlja Ilidža i donio odluku da se izvrši kupovina sanitetskog materijala i donira ovoj ustanovi.

Sredstva za nabavku osigurala je Općina Ilidža, a riječ je o respiratornim i hirurškim maskama, jednokratnim rukavicama, mantilima i plahtama kao i sredstva za dezinfekciju.

Prema riječima direktorice JU Dom zdravlja Ilidža Sadike Kapetanović Dom zdravlja nije profitabilna ustanova i svaka donacija je dobro došla. "U ime Doma zdravlja Ilidža zahvaljujem se Općini Ilidža, odnosno načelniku koji je imao senzibiliteta za ovu donaciju. Općina Ilidža i naša javna ustanova uvijek su imali dobru saradnju, te se nadam da će se u budućnosti tako nastaviti" rekla je dr. Kapetanović.

Načelnik Općina Ilidža prof. dr. Senaid Memić smatra da se donacijama medicinskih potrepština postiže zajednički cilj, a to je kvalitetnije pružanje medicinskih usluga ka krajnjem korisniku, stanovnicima Ilidže.

Završena rekonstrukcija mosta u Donjem Kotorcu

Rekonstrukcija mosta koji se nalazi na potoku Tilava, u ulici 13. juli, u naselju Donji Kotorac je završena. Projektant je bila firma Infra plan d.o.o, a nadzor je bio povjeren HS Inženjering-u d.o.o. Izvođač radova je Pont d.o.o.

Vrijednost projekta je 91.311,26 KM, a finansirala ga je Općina Ilidža.

Na mostu koji ima dva obalna stuba su izgrađene dvije pješačke staze koje ranije nisu postojale. Ukupna dužina rasponske konstrukcije mosta je 956 cm. Ograda koja je bila na mostu je bila oštećena i korozirala, te je zamjenjena sa novom ogradom.





Mališani vrtića “Sretno djetinjstvo” u posjeti načelniku Memiću



U povodu 1. marta Dana nezavisnosti Bosne i Hercegovine mališani iz vrtića “Sretno djetinjstvo” posjetili su načelnika Općine Ilidža prof. dr. Senaida Memića i svojom pjesmom i recitacijama česti-

tali ovaj praznik. Uz želje za dobro zdravlje i sretno djetinjstvo, načelnik Memić je mališanima poručio da budu dobri, vrijedni i poštteni ljudi, da uvažavaju i vole jedni druge.

Općina Ilidža stipendira 47 djece bez roditelja i bez roditeljskog staranja

Općina Ilidža i ove godine stipendira djecu bez oba roditelja i bez roditeljskog staranja i to njih 47. Za ove namjene iz Budžeta Općine Ilidža bit će izdvojeno 44.700 KM. Na osnovu podataka koje je dostavio Centar za socijalni rad Kantona Sarajevo i podataka iz nadležne općinske službe stipendirat će se osam studenata, 13 srednjoškolaca i 26 osnovaca. Stipendije za studente iznose po 100 KM, a za osnovce i srednjoškolce po 75 KM. Stipendije će se isplaćivati 12 mjeseci.



Vjenčano 675 parova

Brak i veza nisu ista stvar i to možete pitati bilo koji bračni par i svi će vam dati uglavnom isti odgovor. Brak je zajednica koja nije lagana ni jednostavna, to je odnos između dvoje ljudi koji trebate njegovati i čuvati. Brak ima svoje dobre i loše strane, ali će se mnogi složiti da je puno lakše živjeti u dvoje.



Za život u bračnoj zajednici u 2019. godini u Općini Ilidža sudbonosno “DA” izgovorilo je 675 parova. Matičar Općine Ilidža je najviše vjenčanja imao u augustu 91, u septembru 82, a u julu 60.

Vjenčanja su besplatna srijedom i subotom u službenim prostorijama općine. Sam čin sklapanja braka se također može obaviti i van službenih prostorija Općine, što je u 2019. godini učinilo njih 187. Kada se sklapanje braka odobri izvan službene općinske prostorije, na mjestima kao što su hoteli, restorani, budući bračni partneri su dužni platiti novčanu naknadu, u iznosu od 400,00 KM. Sklapanje braka u ovakvim slučajevima vrši se svakog dana u vremenu od 10,00-18,00 sati. Vlasnici ugostiteljskih objekata dužni su obezbjediti prikladnu prostoriju sa odgovarajućim uslovima za obavljanje svečanog čina sklapanje braka.



Općina daje bespovratno 5.000 KM mladima

Općina Ilidža i ove godine raspisala je javni poziv za sufinansiranje najboljih poslovnih planova sredstvima iz Budžeta Općine Ilidža, namijenjenih razvoju poduzetničke inicijative i zapošljavanju mladih i žena sa područja općine Ilidža. Konkurisati mogu sve nezaposlene mlade osobe do 35 godina starosti, bez obzira na spol, bez obzira na dob, bitno je samo da imaju poslovnu ideju. Poticanjem njihove poslovne ideje Općina Ilidža pruža priliku za samozapošljavanje, čime će se doprinijeti razvoju lokalne zajednice. U Budžetu za 2020. godinu planiran je iznos 70.000,00 KM.

Na osnovu javnog poziva odabrat će se najbolji poslovni planovi mladih i žena i novčano nagraditi. Novčana nagrada namijenjena je sufinansiranju troškova pokretanja biznisa kroz finansiranje troškova registracije biznisa, troškova sredstava za rad, zakupa poslovnih prostorija, obrtnih sredstava, i ostalih troškova. Visina nepovratnih sredstava po poslovnom planu može iznositi maksimalno do 5.000,00 KM. Javni poziv je objavljen na web stranici Općine Ilidža i



oglasnoj tabli Općine Ilidža, Mjesnih zajednica Općine Ilidža i Službe za zapošljavanje Kantona Sarajevo – Biro Ilidža.

Poziv za početnike u biznisu

Sarajevska regionalna razvojna agencija SERDA, uz finansijsku podršku Vlade Kantona Sarajevo putem Ministarstva privrede, implementira projekat „Uspostava modela inovativnog business startup centra za početnike u biznisu sa područja Kantona Sarajevo“, kojim je predviđeno jačanje kapaciteta, znanja i vještina startup firmi kroz njihov prijem u Inovativni startup business centar, a koji će uključivati stručne edukacije, mentorstvo, savjetovanje, promociju, te korištenje zajedničkog radnog prostora za 20 subjekata.

Na ovaj način startup firmama će biti omogućen pristup širokom spektru usluga namijenjenih razvoju i rastu početnika u biznisu koje su već razvijene u SERDA-i, objedinjavanjem modela poslovnog centra, inkubatora, otvorenog zajedničkog radnog prostora (coworking space) i startup akceleratora.

U okviru navedenog projekta objavljen je Javni poziv startup firmama (mikro, malim i srednjim preduzećima i obrtnicima sa područja Kantona Sarajevo, koji posluju manje od 24 mjeseca) za prijavu na učešće u besplatnom Inovativnom startup business centru.



I ove godine dodjela plastenika

Općina Ilidža je i ove godine raspisala javni poziv za dodjelu plastenika veličine 100 kvadratnih metara sa dodatnom opremom. Projekat se finansira sredstvima iz Budžeta Općine Ilidža za 2020. godinu i ove godine planirano je oko 100.000 KM. Pravo učešća u projektu za dodjelu plastenika imaju svi zainteresovani građani (fizička lica), koja imaju prebivalište na području općine Ilidža i povratnici u mjesto Gornji Kotorac, Istočna Ilidža, te posjeduju poljoprivredno zemljište. Pravno na dodjelu ne mogu ostvariti lica koja su u ranijem periodu ostvarila pravo na ovu donaciju, dodjelu ili sufinansiranje nabavke plastenika od općine, ministarstva ili humanitarnih organizacija. Javni poziv je otvoren do 20. marta 2020. godine.





Javni poziv za projekte iz oblasti sporta, kulture i obrazovanja

Općina Ilidža raspisala je javni poziv za raspodjelu sredstava za finansiranje projekata iz oblasti sporta, kulture i obrazovanja iz Budžeta Općine Ilidža za 2020. godinu. Sredstva predviđena za raspodjelu po ovom javnom pozivu su 150.000,00 KM i to: za oblast sporta 50.000,00 KM, oblast kulture 50.000,00 KM i oblast obrazovanja 50.000,00 KM. Pravo prijave na javni poziv imaju: udruženja, fondacije, klubovi i sportska društva registrovana u BiH, sa sjedištem na području općine Ilidža ili na području druge općine, pod uslovom da se projekat realizuje u interesu građana općine Ilidža i u potpunosti na području općine Ilidža, javne ustanove čiji je osnivač Općina Ilidža za projekte koji se realizuju u interesu građana općine Ilidža.



Prijem za najstarije Ilidžance

Iove godine Općina Ilidža je svim svojim stanovnicima starijim od 80 godina, kojih na području općine ima 2.441, podijelila novčane poklone u iznosu od 70 KM. Za njih tridesetak najstarijih, načelnik prof.dr. Senaid Memić 18. februara 2020. godine priredio je prijem i druženje u prostorijama Općine.

„Ovo je jedan običaj koji mi svake godine u januaru i februaru kada smatramo da su teški mjeseci poštujemo. Nadamo se da je ovo više moralna podrška, nego finansijska i sretan sam jer imam priliku da ovim malim sredstvima ukažemo na vaš značaj u našem društvu. Kad god nam se pruži prilika mi ćemo vam pokazati da ste za nas bitni, i za našu lokalnu zajednicu. Ove godine Općina Ilidža je za vas 2.441 izdvojila 170.870 KM što nisu mala sredstva. Iskreno ja bih želio mnogo više da smo vam dali, da makar malo olakšamo staračke dane i ako smo bilo kako uspjeli ja sam zadovoljan. U nadi da ćemo vam bar malo olakšati ove dane želim vam puno dobrog zdravlja, uz želju da još dugo godina poživite i da se i iduće godine opet vidimo i sretnemo” izjavio je načelnik Memić. Zdenka Hodalj penzionerka, zahvalila je Općini Ilidža i načelniku na skromnim sredstvima, ali više na pažnji koju im ukazuje organizovanjem prijema.

„Cijeli život živjela sam skromno, hranila se zdravo, mnogo se kretala, bavila se društvenim aktivnostima, angažovana sam i sad u udruženju penzionera i nisam dala stresu da utiče na moj život i poručujem omladini da koriste moj recept za dug život“ rekla je Zdenka.



Nisu zaboravljeni najstariji Ilidžanci

Općina Ilidža za 2.441 stanovnika koji imaju više od 80 godina, za svakog od njih obezbijedila novčana sredstva po 70 KM. Svim najstarijim Ilidžancima koverta su podijelili predstavnici Općine Ilidža na kućna vrata.

Najstarije stanovnike ove općine 18. februara 2020. godine posjetili su predstavnici Općine i uručili im novčana sredstva i poklon pakete. Porodica Tuhčić, Uzeir i Fatima izbjeglice iz Zvornika svoj smiraj i staračke dane provode u Hrasnici. Dedo Uzeir i nana Fatima žive sami. Djeca su kako rekoše u bijelom svijetu, ali uvijek i iz daleka brinu o njima. Imaju dvoje djece, dvije snahe, četvero unučadi i četvero prauunučadi koji ih posjećuju kad god im se ukaže prilika. Dane provode u toplini svoga doma, shvatajući prolaznost života, a i značaja ljubavi u tim danima. Sa sjetom se sjećaju svog Zvornika. U Hrasnici su dobro prihvaćeni, ali nostalgija ih nekad vuče ka rodnom kraju.

Enver Mrzić ima 102 godine i živi u Otesu, sam. Nije usamljen reče, jer njegove komšije brinu o njemu. Radni vijek je proveo u Fabrici ortopedskih pomagala „Neretva“. Svirao je saksofon i volio pjesmu, igru i planinarenje. Sin i unuk žive na Vratniku i obilaze ga.

„Redovno šetam po Ilidži, a i Baščašiji. Odem i do planine, a i na druženja penzionera. Moj recept za dug život jeste da ne težimo da promijenimo stvari na koje mi ne utičemo, da živimo bez stresa i da smo okruženi ljudima koje volimo“ rekao nam ovaj vitalni starac koji nas je ispratio uz osmijeh i želje da se vidimo i sljedeće godine.





Brinimo o svojoj okolini

Općina Ilidža želi obezbijediti čisto i lijepo okruženje, bez smeća. U toku je nabavka i postavljanje novih, savremenih zvonastih kontejnera za odlaganje kućnog otpada. Kontejneri svim građanima omogućavaju pravilno odlaganje kućnog otpada, te na taj način se spriječava da psi i druge životinje raznose smeće, jer su posude za odlaganje opremljene nožnim mehanizmom koji se jedino na pritisak otvara. Pravilno odlaganje otpada će pozitivno uticati na promjene navika i svijesti građana o očuvanju životne sredine. Kontejneri su postavljeni na dvije lokacije i to u ulici dr Mustafe Pintola, (tri komada, a može se odložiti devet kubika smeća), te u ulici Emira Bogunića Čarlija (četiri, odnosno 12 kubika smeća).

Vrijednost investicije iznosi 24.896,02 KM. Izvođač radova je firma "BABEL" d.o.o Sarajevo. Pozivamo građane da koriste ovu infrastrukturu i da brinu o okolini u kojoj žive.



Udruženje "BAŠLIJA" okupio više od 100 učesnika iz 40 KUD-ova

Udruženje "BAŠLIJA" je u periodu 15. - 16. februara bilo domaćin Četvrtog seminara za igrače tradicionalnih igara, stručne i umjetničke rukovodioce folklornih ansambala u KUD-a "RITAM SRCA", koji je okupio više od 100 učesnika iz 40 kulturno-umjetničkih društava i folklornih ansambala iz BiH, Crne Gore, Slovenije, Njemačke i Švicarske.



Obavještenje za poljoprivrednike

Poljoprivredni proizvođači sa područja općine Ilidža obavještavaju se da vrijeme promjena, odnosno ažuriranja podataka na poljoprivrednom gazdinstvu, koje se bavi animalnom i/ili biljnom proizvodnjom je od 01. januara do 31. marta, kao što je propisano



Pravilnikom o upisu u registar poljoprivrednih gazdinstava i registar. Sva poljoprivredna gazdinstva koja naknadno urade ove promjene neće moći aplicirati za novčane podrške u 2020. godini. Svi klijenti koji se prvi put upisuju u registar poljoprivrednih gazdinstava i klijenata, a apliciraju za novčane podrške u 2020. godini, također se trebaju upisati u roku od 01. januara do 31. marta. Klijenti koji žele uraditi promjenu organizacionog oblika, trebaju uraditi u ovom periodu, jer sve naknadno urađene promjene organizacijskog oblika poljoprivrednog gazdinstva neće se uzimati u obzir za novčane podrške u ovoj godini.

Upis u registar pčelara i pčelinjaka je obavezan za sve pčelare i pčelinjake na teritoriju Federacije Bosne i Hercegovine. Svaku promjenu u odnosu na podatke iz prijave u registar pčelara i pčelinjaka, osim broja pčelinjih zajednica, pčelar je dužan prijaviti nadležnoj općinskoj službi u roku od 30 dana od dana nastale promjene. Prijava o broju pčelinjih zajednica trebaju se evidentirati najkasnije do 15. maja 2020. godine.

Dio edukacije zasnivao se na važnosti nošnje, muzike, korografije, a poseban akcenat stavljen je i na dječije folklorno stvaralaštvo, težeće tome da trenutni i budući igrači i naraštaji imaju što raznovrsnije i bogatije repertoare. Dodatni motiv seminara bio je i da se sačuva tradicija naše domovine.

"Hvala svim učesnicima koji su uveličali ovaj seminar i dali mu poseban sjaj. Iz godine u godinu rađaju se sve čvršća prijateljstva i ostvaruju saradnje, koje nastojimo održati i u budućnosti. Zahvalio bih se Općini Ilidža, općinskom načelniku prof. dr. Senaidu Memiću i Službi za obrazovanje, kulturu, sport i informisanje, jer je ovaj projekat i realizovan zahvaljujući podršci iz sredstava redovnog finansiranja", rekao je Džemo Hurić, organizator seminara.



Fetahović donio zlato iz Bijeljine

U Bijeljini je od 20. do 23. februara održan Evropa kup u olimpijskom boksu na kojem su učestvovali takmičari iz 16 zemalja. Takmičar Bokserskog kluba Ilidža Adem Fetahović -69 kg osvojio je zlatnu medalju. Nakon pobjede u četvrtfinalu protiv Srbijanca i polufinalu protiv Slovačka, u finalnoj borbi sa dosadašnjim evropskim i svjetskim prvakom Sergeijem Sobylnskim pobedio ga je i osvojio zlato, čime je postao i prvak.

Na Ilidži održan Međunarodni kickboxing turnir Grand Prix BiH

U Kulturno-sportskom centru "Sabit Hadžić" na Ilidži održan je 29. februara 12. Međunarodni kickboxing kup Grand Prix BiH za pionire, kadete, juniore i seniore. Za organizaciju se pobrinula Kickboxing akademija "Ilidža". Ulaz na turnir je bio slobodan zahvaljujući pokroviteljima Općini Ilidža, Turističkoj zajednici KS i Ministarstvu kulture i sporta KS.

Ljubitelji borilačkih sportova su na Ilidži mogli uživati u borbama najboljih takmičara iz sedam zemalja. Na ovom turniru učestvovalo je 630 takmičara. Najuspješnija ekipa u ringu je bila Kickboxing akademija "Ilidža", a u tatamiju KBS "Zino" iz Bihaća. Za najboljeg borca proglašen je Albert Ugrinčić iz Kickboxing akademije "Ilidža", a najuspješnija kik bokserka bila je Tara Bohatjug iz Sarajeva. Turnirom je započela organizacija Programa Dana Općine Ilidža koji će trajati čitav mjesec mart.



Karate klub Champion najuspješniji na državnom prvenstvu

U sportskoj dvorani Richmond Park obrazovnih institucija održano je državno prvenstvo za seniore. Titula najuspješnijeg kluba pripala je Karate Klubu Champion sa Ilidže čiji su članovi osvojili tri zlatne, jednu srebrnu i tri bronzane medalje. Prvaci države su postali Eldin Hajdarpašić (-60 kg), Meris Muhović (-84 kg), te Edin Sarić

(+84 kg). Titulu viceprvakinje države je osvojila Dina Mahmud (-68 kg) dok su se trećim mjestom morali zadovoljiti Ervin Galić (-67 kg), Anes Congo (+84 kg), te Jasmin Porobić (Kate veterani).

Ovim rezultatima Karate Klub Champion je još jednom dokazao da je najuspješniji karate klub u BiH.



Raspored manifestacija u povodu 12. marta Dana Općine Ilidža

28. 02. 2020. GODINE/PETAK

„SVEČANA SJEDNICA POVODOM 1. MARTA DANA
NEZAVISNOSTI BIH“
MULTIFUNKCIONALNA SALA OPĆINE ILIDŽA U
15:00 sati (Butmirska cesta 12)

29. 02. 2020. GODINE /SUBOTA

INTERNACIONALNI KICK BOXING KUP
„WAKO GRAND PRIX BIH“
JU KSİRC ILIDŽA, CJELODNEVNI PROGRAM
OD 10:00 sati (svečano otvaranje u 13:00 sati)

05. 03. 2020. GODINE/ČETVRTAK

FILMSKA PROJEKCIJA „THE WAY BACK“
MULTIMEDIJALNI CENTAR ILIDŽA U 20:00 sati
(Kino Igman)

07. 03. 2020. GODINE/SUBOTA

MALONOGOMETNI TURNIR „DANI OPĆINE
ILIDŽA 2020“
TEREN SA VJEŠTAČKOM TRAVOM ZA MALI
FUDBAL JU KSC ILIDŽA U 7:30 sati

08. 03. 2020. GODINE/NEDJELJA

„TURNIR U ŠAHU“
MZ HRASNICA 1 u 10:00 sati

12. 03. 2020. GODINE/ČETVRTAK

„FINALNE UTAKMICE OPĆINSKOG TAKMIČENJA
U ODBOJCI, KOŠARCI I NOGOMETU“
KSC ILIDŽA U 09:00 sati

12. 03. 2020. GODINE/ČETVRTAK

„SVEČANA SJEDNICA POVODOM 12. MARTA
DANA OPĆINE ILIDŽA“
HOTEL HILLS ILIDŽA U 15:00 sati

12. 03. 2020. GODINE/ČETVRTAK

FILMSKA PROJEKCIJA „THE BOY 2“
MULTIMEDIJALNI CENTAR ILIDŽA U 20:00 sati
(Kino Igman)

13. 03. 2020. GODINE/PETAK

VEČER POEZIJE „ILIDŽO, U SRCU I STIHU TE
NOSIM“
MULTIMEDIJALNI CENTAR ILIDŽA U 18:00 sati
(Kino Igman)

14. 03. 2020. GODINE/SUBOTA

Cjelovečernji koncert folklora „ILIDŽANSKI DANI“
MULTIMEDIJALNI CENTAR ILIDŽA U 18:00 sati
(Kino Igman)

16. 03. 2020. GODINE/PONEDJELJAK

PREDSTAVA „BUBA U UHU“ NARODNO
POZORIŠTE SARAJEVO
MULTIMEDIJALNI CENTAR ILIDŽA U 18:00 sati
(Kino Igman)

18-20. 03. 2020. GODINE

„DANI OTVORENIH VRATA SPOMENIČKOG
KOMPLEKSA RATNI TUNEL DB“
Tuneli br.1 (Donji Kotorac), od 9:00-15:30 sati

19. 03. 2020. GODINE/ČETVRTAK

FILMSKA PROJEKCIJA „THE INFORMER“
MULTIMEDIJALNI CENTAR ILIDŽA U 20:00 sati
(Kino Igman)

20. 03. 2020. GODINE/PETAK

„DRAMSKA PREDSTAVA“
DOM KULTURE BUTMIR U 20:00 sati

21 i 22. 03. 2020. GODINE /SUBOTA I NEDJELJA

„15 OTVORENO PRVENSTVO U KARATEU ZA
DJECU, KADETE I JUNIORE – ILIDŽA 2020“
JUKSİRC ILIDŽA, CJELODNEVNI PROGRAM OD
10:00 sati (svečano otvaranje u 13:00 sati)

21. 03. 2020. GODINE/SUBOTA

„TURNIR U BOČANJU“
PIJAČNA 72DO U 13:00 sati
21. 03. 2020. GODINE /SUBOTA
„VEČER FOLKLORA“
MULTIMEDIJALNI CENTAR ILIDŽA U 20:00 sati

26. 03. 2020. GODINE/ČETVRTAK

FILMSKA PROJEKCIJA „MULAN“
MULTIMEDIJALNI CENTAR ILIDŽA U 20:00 sati
(Kino Igman)

26. 03. 2020. GODINE/ČETVRTAK

„STVARALAŠTVO UČENIKA OSNOVNIH ŠKOLA U
FOLKLORU, SLOBODNOM PLESU I HORU“
MULTIMEDIJALNI CENTAR ILIDŽA U 11:00 sati

28. 03. 2020. GODINE/SUBOTA

„NOĆ TRADICIJE“
DOM KULTURE BUTMIR U 20:00 sati

10-12. 04. 2020. GODINE

„8 BASKET KUP 2020“
JUKSİRC ILIDŽA, CJELODNEVNI PROGRAM
OD 10:00 sati

ZA SVE NAVEDENE MANIFESTACIJE ULAZ JE SLOBODAN